

ԿԱՌԱՎԱՐՈՒԹՅՈՒՆ

ԻՐԱՎԼԻ ԿՈՐԱՄԻՏԵ. «ԲՈՒՈՐ ՆԱԽԱՐԱՐՆԵՐԸ
ՇԱՏ ԼԱՎ ԵՆ ԱՇԽԱՏՈՒՄ»

Մարտի 11-ին, Վրաստանի վարչապետ Իրակլի Կորախիձեի նախագահությամբ, անցկացվեց կառավարության հերթական նիստը:



Նիստի մեկնարկին՝ վարչապետը հանդես եկավ գործադիր իշխանությունում կադրային առանձին փոփոխությունների մասին հայտարարությամբ, ըստ որի՝ Վրաստանի խորհրդարանի մարդու իրավունքների կոմիտեի նախագահ Միխեիլ Սարջվելաձեն նշանակվել է օկուպացված տարածքներից հարկադիր վերաբնակների, աշխատանքի,

առողջապահության եւ սոցիալական պաշտպանության նախարար:

Նոր նախարարի նշանակման կապակցությամբ վարչապետը նշեց, որ ինքը մեկ շաբաթ խորհրդակցություններ է վարել թեկնածուի ընտրության հարցով:

(Շարունակությունը՝ 2-րդ էջում)

ՀԱՄԱԳՈՐԾԱԿՑՈՒԹՅՈՒՆ

ՎՐԱՍՏԱՆԻ ԽՈՐՀՐԴԱՐԱՆԱԿԱՆ ՊԱՏՎԻՐԱԿՈՒԹՅԱՆ
ՊԱՇՏՈՆԱԿԱՆ ԱՅՑԸ ՇՎԵՅՑԱՐԻԱՅՈՒՄ

Մարտի 11-13-ին, Վրաստանի խորհրդարանի նախագահ Շավլա Պապուաշվիլու գլխավորած պատվիրակությունը, պաշտոնական այցով, գտնվում էր Շվեյցարիայի Համադաշնությունում:

Այցի շրջանակներում Վրաստանի խորհրդարանի նախագահը հանդիպումներ ունեցավ Շվեյցարիայի Համադաշնության ազգային խորհրդի նախագահ Էրիկ Նուսթաուսերի, Շվեյցարիայի Պետական խորհրդի նախագահ Եվա Ջերցոգի, արտաքին գործերի նախարար Իգնատիուս Կասիսի հետ:

Հանդիպումներում գոհունակությամբ նշվեց Վրաստանի եւ Շվեյցարիայի հարաբերությունների ինտենսիվ զարգացումը ինչպես գործադիր, այնպես էլ՝ օրենսդիր մակարդակով: Առանձնակի ընդգծվեց Շվեյցարիայի՝ որպես միջնորդի կարեւոր դերը Թբիլի-

սիի եւ Մոսկվայի միջեւ դիվանագիտական հարաբերությունների խզումից հետո:

Կողմերը խոսեցին նաեւ Եվրամիությանը Վրաստանի անդամակցության հարցում ձեռք բերած առաջընթացի, ինչպես նաեւ Հարավային Կովկասի տարածաշրջանում առկա իրավիճակի մասին: Շավլա Պապուաշվիլու գլխավորած խորհրդարանական պատվիրակությունը, որի կազմում էին խորհրդարանի փոխխոսնակ Գի-



որգի Կախիանին, Իրավական հարցերի հանձնաժողովի նախագահ Անրի Օխանաշվիլին, Առողջապահության պաշտպանության եւ սոցիալական հարցերի հանձնաժողովի նախագահ Զաքա Լոմինաձեն եւ խորհրդարանի անդամ Քեթեան Զարկվիանին:

ԳՆԱՀԱՏԱԿԱՆ

ԼԱՇԱ ԽՈՒՅԻՇՎԻԼԻ. «ԷԿՈՆՈՄԻԿԱՅԻ ՏԵՍԱՆԿՅՈՒՆԻՑ ՎՐԱՍՏԱՆՆ ԱՐԴԵՆ
ՀԱՄԱՊԱՏԱՍԽԱՆՈՒՄ Է ԵՎՐԱՄԻՈՒԹՅԱՆ ՉԱՓՈՐՈՇԻՉՆԵՐԻՆ»



Վրաստանի ֆինանսների նախարար Լաշա Խուցիշվիլու հավաստմամբ, վերջին երեք տարիների ընթացքում երկիրը կարողացավ հաղթահարել կորոնավիրուսի համավարակով պայմանավորված տնտեսական հետամնացությունը եւ երկրի էկոնոմիկան արդեն վերականգնել է նախկին դիրքերը:

Ինչպես նշեց ֆինանսների նախարարը, այսօր Վրաստանը տնտեսական աճի, պետական պարտքի նվազեցման, ցածր արժեզրկման, մակրոտնտեսական եւ ֆինանսական ցուցանիշներով, Եվրամիության անդամ եւ թեկնածու երկրների շարքում առաջատար դիրք է զբաղեցնում:

- Այս ձեռքբերումներն առանձնակի նշանակալի են աշխարհում եւ մեր տարածաշր-

ջանում ներկայիս աշխարհաքաղաքական փոփոխությունների պայմաններում եւ մոլորակի առաջատար տնտեսական երկրներից շատերը դեռեւս չեն կարողացել հաղթահարել համավարակի հետեւանքներ,- նշեց Լաշա Խուցիշվիլին եւ հավելեց, որ Արժույթի միջազգային հիմնադրամի կանխագծումներով, Վրաստանում բնակչության յուրաքանչյուր շնչի

եկամուտները, նրանց գնողականության ցուցանիշի հաշվառմամբ, կկազմի Եվրամիության 2024 թվականի ցուցանիշի մոտ 45 տոկոսը:

- Դա 2000 թվականից Եվրամիությանն անդամակցած 13 երկրներից 4-ի ցուցանիշն է: Մասնավորապես, Լեհաստանինը, Լիտվայինը, Լատվիայինը ու Բուլղարիայինը, մինչեւ անդամակցությունը այն զգալիորեն ցածր էր: Հետեւաբար, վստահությամբ կարող ենք ասել, որ Վրաստանն էկոնոմիկայի տեսանկյունից արդեն համապատասխանում է եվրոպական չափորոշիչներին,- հայտարարեց Լաշա Խուցիշվիլին:


ԴԻՎԱՆԱԳԻՏԱԿԱՆ

ԻՐԱՎԼԻ ԿՈՐԱՄԻՏԵԻ ՃԱՆԱՉՈՂԱԿԱՆ
ՀԱՆԴԴՈՒՄՆԵՐԸ ՎՐԱՍՏԱՆՈՒՄ
ՀԱՎԱՏԱՐՄԱԳՐՎԱԾ ԴԵՄՊԱՆՆԵՐԻ ՀԵՏ

ՎՐԱՍՏԱՆԻ ՎԱՐՉԱՊԵՏԻ ԱՌԱՋԻՆ ՀԱՆԴԴՈՒՄՆԵՐԻՑ ՄԵԿԸ ՀԱՅԱՍՏԱՆԻ ԴԵՄՊԱՆԻ ՀԵՏ ԷՐ

Ավանդույթի համաձայն, երկրի նորանշանակ ղեկավարը ծանաչողական հանդիպումներ է ունենում այդ երկրում հավատարմագրված օտարերկրյա դեսպանների հետ:

Հաստատված ավանդույթի համաձայն՝ Վրաստանի վարչապետ Իրակլի Կորախիձեն հանդիպումներ ունեցավ Վրաստանում գործող դիվանագիտական ներկայացուցչությունների ղեկավարների հետ: Վարչապետի հետ առաջին հաղիպումներից մեկը կայացավ Վրաստանում Հայաստանի արտակարգ եւ լիազոր դեսպան Աշոտ Սմբաթյանի հետ:



Մարտի 11-ին կայացած հանդիպմանը, Վրաստանի վարչապետի գրասենյակի փոխանցմամբ, կողմերը խոսեցին տնտեսական հարաբերությունների,

առևտրի, ինչպես նաեւ տրանսպորտի, էներգետիկայի, զբոսաշրջության, մշակույթի եւ կրթության ոլորտներում համագործակցու-

(Շարունակությունը՝ 2-րդ էջում)

ՕՐԱԿԱՐԳՈՒՄ ԹԲԻԼԻՍԻԻ ԵՎ ԵՐԵՎԱՆԻ
ՄԻՋԵՎ ԿԱՊԵՐԻ ԽՈՐԱՅՄԱՆ ՀԱՐՉԵՐՆ ԷԻՆ

Մարտի 13-ին Հայաստանում Վրաստանի արտակարգ եւ լիազոր դեսպան Գիորգի Շարվաշիձեն հանդիպում ունեցավ Երեւանի քաղաքապետ Տիգրան Ավինյանի հետ:



Հանդիպմանը քննարկվեցին Թբիլիսիի եւ Երեւանի միջեւ գործակցության ընդլայնմանն առնչվող հարցեր:

Կողմերը բարձր գնահատեցին երկու մայրաքաղաքների մի-

ջեւ հաստատված փոխգործակցությունը, իրականացվող փորձի փոխանակման ծրագրերը եւ ընդգծեցին, որ առկա է մեծ ներուժ՝ նոր ուղղություններ ու ոլորտներ ընդգրկելու համար:

ԿԱՌԱՎԱՐՈՒԹՅՈՒՆ

«ՌՈՒՍԱՍՏԱՆԻ ՇԵՏ ՀԱՐԱԲԵՐՈՒԹՅՈՒՆՆԵՐՈՒՄ ԴՐԱԳՄԱՏԻԿ ԲԱՂԱՔԱԿԱՆՈՒԹՅՈՒՆԸ ԿՇԱՐՈՒՆԱԿՎԻ»

Մարտի 11-ին, Վրաստանի վարչապետ Իրակլի Կոբախիձեն, հանրությանը ներկայացնելով Ռուսաստանի հետ հարաբերություններում իր հատուկ ներկայացուցիչ Գիորգի Քաջախանյանին, հայտարարեց, որ Վրաստանի իշխանությունները ցանկանում են շարունակել Ռուսաստանի հետ հարաբերություններում պրագմատիկ քաղաքականությունը, որի նպատակը երկրում խաղաղության պահպանումն է:

- Ինչ վերաբերում է խնդիրներին, ապա խնդիրները մնում են նույնը: Դուք գիտեք, թե որն է հարաբերությունների ռեժիմը: Այդ ռեժիմի շրջանակներում, իհարկե, մենք ցանկանում ենք շարունակել մեր պրագմատիկ քաղաքականությունը, որի նպատակը մեր երկրում խաղաղության պահպանումն է, եւ մենք ունենք կոնկրետ խնդիրներ, որոնք կապված են տնտեսական գործունեության հետ,- նշեց Իրակլի Կոբախիձեն:

Հիշեցնենք, որ Ռուսաստանի եւ Վրաստանի միջեւ դիվանագիտական հարաբերություններ չկան: Դրանք վրացական կողմը խզեց նրանից հետո, երբ Մոսկվան 2008 թվականի օգոստոսի 26-ին ճանաչեց Աբխազիայի եւ Հարավային Օսեթիայի ինքնիշխանությունը:

Սակայն, 2012 թվականի հոկտեմբերին կայացած խորհրդարանական ընտրությունների արդյունքներով, իշխանություն եկած «Վրացական երազանքի» ներկայացուցիչներն արտա-

քին քաղաքականության հիմնական առաջնահերթություններից մեկն անվանել են Ռուսաստանի Դաշնության հետ հարաբերությունների կարգավորումը:

Երկրների միջեւ երկխոսությունը, այսօրվա դրությամբ, պահպանվում է՝ Ժնևյան քննարկումների եւ Ռուսաստանի Դաշնության հետ հարաբերությունների հարցերով Վրաստանի վարչապետի ներկայացուցչի եւ ՌԴ Դաշնության խորհրդի միջազգային հարցերով կոմիտեի ղեկավար Գրիգորի Կարախինի կանոնավոր հանդիպումների շրջանակներում, որոնք տեղի են ունենում Պրահայում:



ԻՐԱԿԼԻ ԿՈԲԱԽԻԶԵ. «ԲՈԼՈՐ ՆԱԽԱՐԱՐՆԵՐԸ ՇԱՏ ԼԱՎ ԵՆ ԱՇԽԱՏՈՒՄ»

(Սկիզբը՝ 1-ին էջում)

- Այս շաբաթվա ընթացքում անհատական խորհրդակցություններ ենք ունեցել ինչպես մեր քաղաքական թիմի անդամների, այնպես էլ՝ բժշկական հանրության ներկայացուցիչների հետ: Խորհրդակցությունների հիմնական հարցերից մեկն այն էր, թե որքանով նոր նախարարը պետք է լինի բժշկական



Միխեիլ Սարգվելաձե

հետազոտության եւ բարեխղճության հարցով, մեծ վստահություն ունեն: Միխեիլ Սարգվելաձեն նշանակվել է առողջապահության նախարար,- ասաց Իրակլի Կոբախիձեն:

46-ամյա Միխեիլ Սարգվելաձեն ավարտել է Թբիլիսիի պետական համալսարանի իրավաբանական ֆակուլտետը, աշխատել է որպես փաստաբան: Եղել է կատարման ազգային բյուրոյի նախագահ, զբաղեցրել է Վրաստանի արդարադատության փոխնախարարի պաշտոնը:

Կառավարության նիստում վարչապետը, անդրադառնալով կադրային մյուս փոփոխություններին, նշեց, որ Թբիլիսիի

սակրեբուլոյի անդամ եւ իրավական հանձնաժողովի նախագահ, 32-ամյա Լեւան Ժորժոխիանը նշանակվել է կառավարության վարչակազմի ղեկավար: Նա այդ պաշտոնում փոխարինում է Ռեազ Ջավելիձեին: 48-ամյա Նիկոլոզ Տղեմալաձեն նշանակվել է կառավարության վարչակազմի տարածաշրջանների հետ կապերի վարչության պետ, իսկ Ռուսաստանում Շվեյցարիայի դեսպանատանը կից



Նիկոլոզ Տղեմալաձե

Վրաստանի շահերի բաժնի ղեկավար, 66-ամյա Գիորգի Քաջախան՝ Ռուսաստանի հետ հարաբերությունների հարցերով վարչապետի հատուկ ներկայացուցչի պաշտոնում կփոխարինի Զուրաբ Աբաշիձեն, ով նշանակվել է վարչապետի խորհրդական: Ռուսաստանում, Շվեյցարիայի դեսպանատանը կից, Վրաստանի շահերի բաժնի ղեկավար է նշանակվել Մամուկա Մերկվիլաձեն:

Վրաստանի վարչապետ Իրակլի Կոբախիձեի խոսքով՝ կառավարության կազմում կադրային այլ փոփոխություններ չեն նախատեսվում:

- Բոլոր նախարարները շատ լավ են աշխատում, այդ թվում՝ արտաքին գործերի նախարարը, արդարադատության նախարարը: Ուստի, կադրային փոփոխություններ չեն նախատեսվում,- հայտարարեց Իրակլի Կոբախիձեն:



Լեւան Ժորժոխիան



Գիորգի Քաջախ

ԿԱԴՐԱՅԻՆ ՓՈԳՈՒՄՈՒԹՅՈՒՆՆԵՐ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆՈՒՄ

Մարտի 11-ին, Վրաստանի առողջապահության նախարարի պաշտոնում Միխեիլ Սարգվելաձեի նշանակումից հետո, գերատեսչությունում իրականացվեցին կադրային փոփոխություններ:

Մասնավորապես, նախարարի առաջին տեղակալ նշանակվեց Թամար Գաբունիան,

իսկ երկու փոխնախարարների պաշտոնները թափուր են մնում, քանի որ Լիլա Դու-

րուշաուրին եւ Իրակլի Միխեիձեն թողեցին Վրաստանի առողջապահության փոխնախարարի պաշտոնները:



ԴԻՎԱՆԱԳԻՏԱԿԱՆ

ԻՐԱԿԼԻ ԿՈԲԱԽԻԶԵԻ ՃԱՆԱԶՈՂԱԿԱՆ ՀԱՆԴԻՊՈՒՄՆԵՐԸ ՎՐԱՍՏԱՆՈՒՄ ՀԱՎԱՏԱՐՄԱԳՐՎԱԾ ԴԵՄՊԱՆՆԵՐԻ ՇԵՏ

(Սկիզբը՝ 1-ին էջում)

թյան ներուժի մասին, ընդգծվեց տարածաշրջանում խաղաղության եւ կայունության կարեւորությունը, անդրադարձ կատարվեց Վրաստանի եւ Հայաստանի միջեւ ստորագրված ռազմավարական գործընկերության հռչակագրին եւ դրա շրջանակներում տարբեր ոլորտներում երկկողմ համագործակցության խորացմանը վերաբերող հարցերին:

Հիշեցնենք, ընթացիկ տարվա հունվարի 26-27-ին Թբիլիսիում անցկացվեց Վրաստանի եւ Հայաստանի միջեւ տնտեսական համագործակցության միջկառավարական հանձնաժողովի 13-րդ նիստը, որի շրջանակներում Հայաստա-

նի վարչապետ Նիկոլ Փաշինյանի գլխավորած պատվիրակությունը ժամանել էր Վրաստան: Հենց այդ ժամանակ Վրաստանի եւ Հայաստանի միջեւ ռազմավարական գործընկերության համաձայնագիր է ստորագրվել:

Նույն օրը Վրաստանի վարչապետը հանդիպեց Վրաստանում ճապոնիայի արտակարգ եւ լիազոր դեսպան Իշիձուկա Հիդեկիի հետ:

Հանդիպմանը քննարկվեց տարբեր ուղղություններով երկու երկրների արդ-



յունավետ համագործակցությունը, նշվեց Վրաստանի ինքնիշխանությանն ու տարածքային ամբողջականության գործում ճապոնիայի ամուր աջակցությունը:



ԻՍՐԱՅԵԼ - ՀԱՄԱՍ ՄԱՐՏԵՐԸ ՀԱՐՈՒՆԱԿՎՈՒՄ ԵՆ, ՀՐԱԴՂԱՐ ԶԿԱ

Անցյալ տարվա հոկտեմբերի 7-ից Իսրայելի եւ պաղեստինյան ՀԱՄԱՍ-ի միջեւ սկսված ռազմական դիմակայությունը շարունակվում է: Չնայած միջազգային հանրության միջամտությանը, կողմերը, հրադարձի հարցում, պայմանավորվածության չեն հասել:

Գազայի հակամարտությունը տեղահանել է անկլավի 2,3 միլիոնանոց բնակչության մեծ մասին:

Հոկտեմբերի 7-ից հետո, երբ պաղեստինյան ՀԱՄԱՍ արմատական շարժման զինյալները ներխուժեցին Իսրայել՝ սպանելով 1200 մարդու, գերեվարելով 253-ին, Իսրայելն այդ հարձակումից հետո ռազմական գործողություններ է սկսել անկլավում, որի հետեւանքով զոհերի թիվը, ըստ տեղի իշխանությունների, գերազանցել է 31 300-ը, վիրավորվել է 71 500 մարդ:

ՌՈՒՍԱՍՏԱՆ ՄԵԿՆԱՐԿԵՑԻՆ ԵՌՈՐՅԱ ՆԱԽԱԳԱՅԱԿԱՆ ԸՆՏՐՈՒԹՅՈՒՆՆԵՐԸ

Ռուսաստանում մեկնարկել են նախագահի ընտրությունները: Մարտի 15-ի առավոտյան՝ առաջին ընտրատեղամասերը բացվեցին երկրի արեւելյան շրջաններում, այնուհետեւ՝ նաեւ ամբողջ երկրում:

Սրանք առաջին նախագահական ընտրություններն են 2020 թվականի սահմանադրական բարեփոխումներից հետո, ըստ որոնց երկրի ղեկավարի պաշտոնը տվյալ անձը կարող է զբաղեցնել 2 անգամ՝ 6 տարի ժամկետով: Սահմանադրական բարեփոխումները նաեւ «զրոյացրին» ՌԴ նախագահ Վլադիմիր Պուտինի նախորդ պաշտոնավարման ժամկետները՝ թույլ տալով նրան կրկին առաջադրվել:

Ընտրվելու դեպքում Վլադիմիր Պուտինը կպաշտոնավարի հինգերորդ անգամ:

Որպես թեկնածու՝ առաջադրվել են նաեւ Ռուսաստանի լիբերալ-դեմոկրատական կուսակցության ղեկավար Լեոնիդ Սլուցկին, ՌԴ Կոմունիստական կուսակցության պատգամավոր Նիկոլայ Խարիտոնովը եւ «Նոր մարդիկ» կուսակցությունից Պետրոմայի փոխխոսնակ Վլադիսլավ Դավանկովը:

ԵՎՐԱՄԻՈՒԹՅՈՒՆ ՔՐԵԱԿԱՆ ՕՐԵՆՔ՝ ՊԱՏՃԱՄԻՋՈՑՆԵՐԻ ՇՐՋԱՆՑՄԱՆ ԴԵՄ

Եվրախորհրդարանը հաստատել է պատժամիջոցները շրջանցելու համար քրեական պատիժներ սահմանող օրենքը, որը, ըստ ակնկալության, թույլ կտա բռնագրավել սանցված ռուսական մասնավոր ակտիվները:

Փաստաթղթում հաստատվելու են Եվրամիության կողմից ընդունված բոլոր պատժամիջոցները, ինչպես նաեւ՝ սահմանվում դրանց խախտումները կամ շրջանցումները, որոնք համարվում են քրեորեն հետապնդելի հանցագործություններ: Նախատեսված պատիժները տատանվում են տուգանքներից մինչեւ հինգ տարի ժամկետով ազատազրկում:

ՆԱՏՕ ԵՎԵԴԻԱՆ ՊԱՇՏՈՆԱՊԵՍ ԴԱՐՁԱՎ ԱԼՅԱՆՍԻ 32-ՐԴ ԱՆԴԱՍԸ

Մարտի 11-ին, Բրյուսելում ՆԱՏՕ-ի կենտրոնականում, անցկացվեց Շվեդիայի դրոշի բարձրացման արարողությունը:

Շվեդիան դարձավ Հյուսիսատլանտյան դաշինքի 32-րդ անդամը:

Ստոկոլմից հեռու Ողջունեց Ստոկհոլմի անդամակցությունը դաշինքին, իսկ Շվեդիայի վարչապետ Ուլֆ Բրիստեթսոնը շնորհակալություն հայտնեց իր երկիրը ՆԱՏՕ-ի կազմ ընդունելու համար:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՍՈՑԻԱԼԱԿԱՆ


ՄԱՐՏԻ 15-ԻՅ ԱՆՁԸ ՀԱՍՏԱՏՈՂ ՀԻՆ ՎԿԱՅԱԿԱՆՆԵՐԻ ՓՈԽԱՐԻՆՈՒՄԸ ԿԻՆԻ ԱՆՎՃԱՐ

Վրաստանի քաղաքացիների ոչ էլեկտրոնային, այսպես կոչված, լամինացված, նույնականացման (ID) քարտերը, որոնք տրվել են մինչև 2011 թվականի հուլիսի 28-ը, հնարավոր կլինի մարտի 15-ից անվճար փոխարինել նոր՝ էլեկտրոնային ID քարտերով:


Սպասարկումների զարգացման գործակալության կողմից տարածած հաղորդագրության համաձայն՝ մինչև 2011 թվականի հուլիսի 28-ը թողարկված քարտերը չեղյալ կհայտարարվեն:

«Արդարադատության նախարարությունը 2024 թվականի մարտի 15-ից ոչ էլեկտրոնային նույնականացման (լամինացված) քարտերի սեփականատերերին կտա նույնականացման քարտերը էլեկտրոնային քարտերով անվճար փոխարինելու հնարավորություն:

Մինչև 2011 թվականի հուլիսի 28-ը թողարկված ոչ էլեկտրոնային (լամինացված) նույնականացման քարտը էլեկտրոնային նույնականացման քարտով (ID քարտ) անվճար փոխարինելու համար՝ պետք է դիմել Արդարադատության տուն եւ երկրի ողջ տարածքում գործող արդարադատության շարժական տներ»,- նշված է հաղորդագրության մեջ:



Հիշեցնենք, հին, այսպես կոչված, լամինացված նույնականացման քարտերի հարցը արդիական դարձավ նրանից հետո, երբ խորհրդարանում սկսվեց ընդդիմադիր «Եվրոպական սոցիալիստներ» կուսակցության պատգամավոր Փրիդոն Ինջիայի նախաձեռնած օրենքի նախագծի քննարկումը: Այս նախագծի նպատակն այն էր, որ բոլոր այն մարդիկ, որոնք ունեն, այսպես կոչված, լամինացված ID քարտեր, կարողանան մասնակցել ընտրություններին: Մինչև 2024 թվականի խորհրդարանական ընտրությունները՝ դրա կարիքը չկար, փոփոխություններն ընդունվեցին նրանից հետո, երբ որոշվեց, որ ընտրատեղամասերի 70 տոկոսում քվեարկությունն անցկացվելու է էլեկտրոնային եղանակով:



ՎԱՎԵՐԱՑՎԵԼ Է ՎՐԱՍՏԱՆՈՒՄ ՄԱԼՈՒ ԿԱՆՈՆՆԵՐԻ ԱՌՆՎԱՋՆ 17 ՀԱՋԱՐ ԽԱՒՏՈՒՄ

2022-2023 թվականներին առնվազն 17 հազար 394 անձ խախտել է օտարերկրացիների եւ քաղաքացիություն չունեցող անձանց Վրաստանում գտնվելու, ինչպես նաեւ՝ Վրաստանի տարածքով տարանցման կանոնները:

Այդ տվյալներով՝ 2022 թվականին Վրաստանում մնալու եւ տարանցիկ ճանապարհորդելու կանոնը խախտել է 7937 անձ, իսկ 2023 թվականի նախնական տվյալներով՝ այս թիվը կազմել է 9457:

Բացի այդ, Վարչական իրավախախտումների վերաբերյալ օրենսգրքի 191-րդ հոդվածի առաջին պարբերությամբ նախատեսված 180 լարի տուգանք է նշանակվել 6250 անձի, իսկ 360 լարի տուգանքը, որ սահմանվում է այն անձանց համար, որոնք Վրաստանում օրինական գտնվելու ժամկետի լրանալուց հետո երկրում մնացել են ավելի քան 3 ամիս, երկու տարվա ընթացքում նշանակվել է 11 հազար 144 անձի, որից 5792-ը՝ միայն 2023 թվականին:

Վրաստանում գտնվելու օրինական ժամկետը լրացած եւ երկիրը ինքնական լքած օտարերկրացին պարտավոր է վճարել Վրաստանի օրենսդրությամբ սահմանված տուգանքը Վրաստանից մեկնելուց առաջ կամ հետո: Տուգանքը չվճարելու դեպքում՝ օտարերկրացուն վրացական վիզա չի տրվի, եւ մինչեւ նշված տուգանքը չվճարի, նրա մուտքը Վրաստան կարգելվի: Հարկադրաբար արտաքսված օտարերկրացուն, տուգանքի հետ մեկտեղ, 2-ից 5 տարի ժամկետով կարգելվի մուտք գործել Վրաստան:

ԱՊՐԱՆՔԱՇՆԱՆՈՒԹՅՈՒՆ ԵՎ ՔՈՒՆԵԼ Է ՀԻՆԳ ՏՈՎՈՍՈՎ

Ազգային վիճակագրական ծառայության նախնական գնահատմամբ, 2024 թվականի հունվար-փետրվարին Վրաստանում ապրանքներով արտաքին առևտրաշրջանառությունը կազմել է 2 941,5 մլն դոլար, ինչը 5,0 տոկոսով պակաս է նախորդ տարվա համապատասխան ցուցանիշից:

Դրանից, արտահանումը կազմել է 803,2 մլն ԱՄՆ դոլար, այսինքն՝ 2023 թվականի համապատասխան ժամանակահատվածի համեմատ նվազել է 12,2 տոկոսով, իսկ ներմուծումը կազմել է 2 138,2 մլն դոլար, ինչը 2,0 տոկոսով պակաս է նախորդ տարվա նույն ժամանակահատվածի համեմատ:

Առևտրի բացասական հաշվեկշիռը 2024 թվականի հունվար-փետրվարին կազմել է 1 335,0 մլն ԱՄՆ դոլար, ինչը կազմում է արտաքին առևտրաշրջանառության 45,4 տոկոսը:

ՈՒԿՐԱԻՆԱՅՈՒՄ ԶՈՐԿԵԼ Է ԵՎՍ ԵՐԿՈՒ ՎՐԱՑԻ ԶԻՆՇԱՌԱՅՈՂ

Վերջին օրերում մարտական գործողությունների ընթացքում զոհվել է եւս երկու վրացի զինծառայող: Զուրաբ Ծիկլաուրին եւ Գոչա Ժվանիան Ուկրաինայում մարտնչում էին 2014 թվականից:

Նշենք, որ Ուկրաինայում արդեն զոհվել է 59 վրացի մարտիկ:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (15 մարտի)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.6758
1 ԵՎՐՈ	2.9271
100 ՌՈՒՐԼԻ	2.9226
1000 ԴՐԱՄ	6.6387

ԼԱՐԻՈՎ ՎԵՐՑՎԱԾ ՎԱՐԿԵՐԻ ԱՄՍԱՎՃԱՐԸ ԱՊՐԻԼԻՑ ԿԿՐՃԱՏՎԻ

Ապրիլ ամսից 0,75 տոկոսով կկրճատվի լարիով ստացած վարկերի ամսական վճարը: Վարկի տոկոսադրույքների նվազեցման մասին որոշումը Ազգային բանկը կայացրել է դրամավարկային քաղաքականության հանձնաժողովի մարտի 13-ի նիստում:

Վարկերի տոկոսների նվազեցման վերաբերյալ Ազգային բանկի որոշումը բացատրվել է երկրում գրանցված ցածր գնաճով եւ լարիի կայուն փոխարժեքով:

Նվազեցված տոկոսներն ավտոմատ կերպով արտացոլվում են վճարման եմթակա գումարի մեջ: Պայմանները կփոխվեն բոլոր վարկառուների համար:

Նշենք, որ Վրաստանի բանկերը 51,84 մլրդ լարի են տրամադրել: Տրված վարկերի գրեթե 55 տոկոսը լարիով է, իսկ մնացած 45 տոկոսը՝ այլ արժույթով:

ԿԵՆՍԱԹՈՇԱԿԱՅԻՆ ԳՈՐԾԱԿԱԼՈՒԹՅԱՆ ԱԿՏԻՎՆԵՐԸ ԿԱԶՄԵՅԻՆ 4,6 ՄԻԼԻԱՐԴ ԼԱՐԻ

Ընթացիկ տարվա փետրվարի 29-ի վիճակագրական տվյալների համաձայն՝ կենսաթոշակային սխեմայի մասնակիցների թիվը կազմում է 1 մլն 496 հազար մարդ, իսկ կենսաթոշակային ակտիվների արժեքը՝ 4,6 մլրդ լարի:

Գործակալության տեղեկատվության համաձայն՝ նույն ժամանակահատվածում զուտ վաճառքը կազմել է 941,1 մլն լարի: 2024 թվականի փետրվարի 29-ի դրությամբ՝

կուտակված կենսաթոշակից օգտվել է տարբեր կատեգորիաների 8274 անձ, նրանց վճարվել է ավելի քան 26 354 795 լարի:

ՏԱՐԱԾԱՆԵՐԱՆ

ՌՈՒԲԵՆ ԿԱՐԱՊԵՏՅԱՆԸ ԵՎ ՀԱՄԲԱՐՁՈՒՄ ԲԱԲՈՅԱՆԸ ՀԱՆԴԻՊԵՅԻՆ ԾՂԱԼԹԲԻԱՅԻ, ԾՈՒՂՐՈՒԹԻ, ՊԱՄԱՃԻ ԵՎ ՍԱԶԵԼԻ ԲՆԱԿԻՉՆԵՐԻ ՀԵՏ

Մարտի 13-ին Ախալցխեի մունիցիպալիտետի փոխքաղաքապետ Ռուբեն Կարապետյանը, սակրեբուլոյի փոխնախագահ Դամբարձուն Բաբոյանը, տեղական ինքնակառավարման մարմինների ներկայացուցիչների հետ, հանդիպում ունեցան Ծղալթբիա, Ծուղորուք, Պամաճ եւ Սազել վարչական միավորումների գյուղերի բնակիչների հետ:

Նրանք տեղացիների հետ քննարկեցին գյուղերում առկա ենթակառուցային եւ սոցիալական հիմնախնդիրներն ու դրանց կարգավորման ուղիները: Անդրադարձան բնակավայրերում ընթացիկ եւ իրականացվելիք ենթակառուցային նախագծերին:

Նշենք, որ վերջին տարիներին Ծղալթբիայի, Ծուղորուքի, Պամաճի եւ Սազելի վարչական միավորումների բնակավայրերում իրականացվել են ենթակառուցային տարբեր նախագծեր, այդ թվում՝ կարգավորվել են գյուղեր տա-

նող եւ գյուղամիջյան ճանապարհները, վերանորոգվել են խմելու ջրի համակարգերը, կարգի է բերվել փողոցային լուսավորության համակարգը, բարեկարգվել են պուրակներն ու մանկական խաղահրապարակները, վերանորոգվել են ամբուլատորիաները, երի-

տասարդական կենտրոններն ու մանկապարտեզները:



ԸՆԹԱՅԻՒ ՄԵՅ Է ԿԱՌԱՎԱՐՄԱՆ ՌԱԶՄԱՎԱՐԱԿԱՆ ԳՈՐԾՈՂՈՒԹՅԱՆ ԾՐԱԳՐԻ ՄՇԱԿՈՒՄԸ



Վերոնշյալ նախագծի կապակցությամբ, Ախալցխեի մունիցիպալիտետի քաղաքապետ Իրակլի Լազարաշվիլին, փոխքաղաքապետ Ռուբեն Կարապետյանի եւ քաղաքապետարանի աշխատակիցների հետ միասին, հանդիպում ունեցավ USAID-ի տեղական ինքնակառավարման ծրագրի ներկայացուցիչ Միխեիլ

Ախալցխեի մունիցիպալիտետում ձեռնամուխ եղան բաց կառավարման ռազմավարական հայեցակարգի նորացման եւ թվով երկրորդ գործողության ծրագրի մշակմանը:

Դարչիաշվիլու եւ նույն ծրագրի խորհրդատու Դեա Ցերցվաձեի հետ: Հանդիպմանը քննարկվեցին նախագծի իրականացման փուլերը: Առաջին փուլում կվերլուծվի OGP-ի շրջանակներում մունիցիպալիտետի մինչ այդ գոյություն ունեցող պարտավորությունների կատարումը: Այս, միջազգային փորձի հիման վրա, կնշակվի Ախալցխեի մունիցիպալիտետի բաց կառավարման ռազմավարական հայեցակարգի նորացված փաստաթուղթը եւ 2024-2025 թվականների գործողության ծրագիրը:

Նշենք, որ, Ախալցխեի մունիցիպալիտետը, բաց կառավարման գործընկերների միջազգային մրցույթում հաղթելուց հետո, ծրագրին միացավ 2020 թվականին: Մունիցիպալիտետում հաջողությամբ իրականացվել է վերոնշյալ ծրագրի գործունեության առաջին փուլը:

Պատրաստեց ԱՐԵՎԻԿԱ ՄԱՆՈՒԿՅԱՆԸ

ՖՈՒՏԲՈԼ

ՎՐԱՍՏԱՆԻ ՀԱՎԱՔԱԿԱՆԻ ԵՎ ԻՏԱԼԱԿԱՆ «ԻՆՏԵՐ» ԱԿՈՒՄԲԻ ՖՈՒՏԲՈԼԻ ՎԵՏԵՐԱՆՆԵՐԻ ՀԱՆԴԻՊՄԱՆ ՄԵԿԵԱՐԿՈՒՄ ՀՈԹԱ ԱՐՎԵԼԱՁԵԻ ՀԵՏ ԽԱՂԱԴԱՇՏ ՄՏԱՆ ԱՐԱՅԻԿ ԲԱՐԱԶԱՆՅԱՆԻ ԹՈՌՈՆԵՐԸ՝ ՆԻԿՈՒՇԱՆ ԵՎ ԹԵՄՈՒԿԱՆ

Մարտի 7-ին, Բաթումի խաղաղաշտում անցկացվեց Վրաստանի եւ իտալական Միլանի հանրահայտ «Ինտեր» ակումբի ֆուտբոլի վետերանների ընկերական հանդիպումը:



Երկու թիմերի կազմում էին ժամանակին հանրահայտ այնպիսի ֆուտբոլիստներ, ինչպիսիք էին Կախաբեր Կալաձեն, Շոթա Արվելաձեն, Նուկրի Ռեիշվիլին, Լեւան Կոբիաշվիլին, Ալեքսանդր Իաշվիլին, Կախաբեր Ցխաղաձեն, Թեմուր Բեցբախան (Վրաստանի հավաքական), Լուիշ Ֆիգուերա, Մարկո Մատերացին, Լուսիոն, Իվան Կորդոբան, Խավիեր Չանետին, Էստեբան

Կամբյասոն, Մայկոն, Ուեսլի Սնեյդերը, Յորգոս Կարագունիսը («Ինտեր» ակումբ):

Ֆուտբոլասերների համար հիշարժան այդ հանդիպման մեկնարկում, հաստատված ավանդույթի համաձայն, այս անգամ ֆուտբոլիստներին խաղաղաշտ ուղեկցող մանուկ ֆուտբոլիստների թվում էին աշխարհահռչակ երգահան Անոն Բաբաջանյանի ծոռները, նրա որդու՝ Արայիկի թոռներ Նիկոլա եւ Թեմուկա Ջեհնկիշվիլիները:

Վրաստանի հավաքականի եւ միլանական «Ինտեր» ակումբի վետերան ֆուտբոլիստների հանդիպումն ավարտվեց հյուրերի հաղթանակով՝ 0:2, գոլերի հեղինակ դարձավ պորտուգալացի Լուիշ Ֆիգուերան:

խորագիրը պատրաստեց ԱՐՄԵՆ ՊՈՐՈՅԱՆԸ ված մեկշաքայա թրեյնինգին:

«ԴԻՆԱՄՈ ԹԲԻԼԻՍԻ» ՖՈՒՏԲՈԼԻ ԱԿԱԴԵՄԻԱՆ ԱՄԱԼՔԱՆՔԻՈՒՄ ԵՎ ՆԻՆՈՇՄԻՆԴԱՅՈՒՄ ՓՆՏՐՈՒՄ Է ՀՆՈՐՀԱԼԻ ՊԱՏԱՆԻ ՖՈՒՏԲՈԼԻՍՏՆԵՐԻ



ԱՄԱԼՔԱՆՔԻ. Մունիցիպալիտետի փոխքաղաքապետ Սկրտիչ Մղդեսյանը հանդիպեց «Դինամո Թբիլիսի» ֆուտբոլային ակադեմիայի տնօրեն Լեւան Գվանցելաձեի հետ: Հանդիպումը տեղի ունեցավ Ախալքալաքի մարզադպրոցում, որին մասնակցում էին տեղական ինքնակառավարման մարմինների եւ ֆուտբոլի ակադեմիայի ներկայացուցիչներն ու պատանի ֆուտբոլիստները: Հանդիպման նպատակը Ախալքալաքիում ֆուտբոլային թիմ ստեղծելն ու մունիցիպալիտետի քաղաքապետարանի հետ հուշագրի ստորագրումն էր:

Մարզախմբի պարապմունքները կղեկավարվեն ակադեմիայի կողմից եւ կանցկացվեն ըստ նրանց կազմած գրաֆիկի:

ՆԻՆՈՇՄԻՆԱԼ

Մունիցիպալիտետի քաղաքապետ Անի Մոսոյանը հանդիպեց «Դինամո Թբիլիսի» ֆուտբոլային ակադեմիայի տնօրեն Լեւան Գվանցելաձեի հետ:

Նինոծմինդայի մարզադպրոցում կայացած հանդիպմանը, որի նպատակը Նինոծմինդա քաղաքում ֆուտբոլային թիմ ստեղծելն ու մունիցիպալիտետի քաղաքապետարանի հետ հուշագրի ստորագրումն էր, մասնակցեցին տեղական ինքնակառավարման մարմինների եւ ֆուտբոլի ակադեմիայի ներկայացուցիչները, ինչպես նաեւ՝ փոքր ֆուտբոլիստները:

Մինչ այդ, Նինոծմինդայի մարզիկ Հովհաննես Մոսոյանը, ով նշանակված է արդեն ֆուտբոլի թիմի մարզիչ, մասնակցել էր ակադեմիայի կողմից Թբիլիսիում կազմակերպված մեկշաքայա թրեյնինգին:

ՀՐԱՏԱՊ ԹԵՄԱ

ԻՆՉՈՐԻ Է ՁԳՁԳՎՈՒՄ ՀՈՂԻ ՀԱՄԱԿԱՐԳԱՅԻՆ ԳՐԱՆՅՄԱՆ ԳՈՐԾԸՆԹԱՅԸ

Արդեն մի քանի տարի է, ինչ Վրաստանում անց է կացվում գյուղատնտեսական նշանակության հողերի գրանցման գործընթացը: Դեռեւս անցյալ տարվա նոյեմբերի 15-ին, Վրաստանի խորհրդարանը հավանություն տվեց, երկրի կառավարության նախաձեռնած, գյուղատնտեսական նշանակության հողերի ապօրինի սեփականաշնորհման գործընթացին մասնակից անձանց քրեական պատասխանատվությունից եւ պատժից ազատելու վերաբերյալ համաձայնեցին օրինականագծին: Այն առնչվում էր այն անձանց, ովքեր, մինչեւ 2023 թվականի սեպտեմբերի 1-ը, Վրաստանի քրեական օրենսգրքի 180 եւ 362 հոդվածների խախտմամբ, յուրացրել են հողատարածք եւ, ովքեր, մինչեւ 2024 թվականի սեպտեմբերի 1-ը պետությանը հասցրած վնասի փոխհատուցման մեթոդով կամ յուրացրած հողատարածքը պետությանը վերադարձնելու ուղիով, կարգավորել են ապօրինի յուրացրած հողամասի սեփականության հարցը: Վերոնշյալ համաձայնումը չի առնչվում նրանց, ովքեր հողամասի սեփականության իրավունքը ձեռք են բերել 2023 թվականի օգոստոսի 31-ից հետո:

Առաջին հայացքից, կարծես, ամեն ինչ արվել է գյուղատնտեսական հողերի սեփականության օրինականացման գործընթացի ապահովման ուղղությամբ, թեպետ, ներկա դրությամբ, այդ ուղղությամբ առկա մարտահրավերները դեռեւս լրիվությամբ կարգավորված չեն:

Ինչպես նշեց «Միջազգային թափանցիկություն-Վրաստան» կազմակերպության գլխավոր իրավաբան Թեոնա Ջաքարաշվիլին՝ չնայած բազմամյա այդ գործընթացին, գյուղատնտեսական նշանակության հողերի 70 տոկոսը դեռեւս գրանցված չէ:

Իրավաբանի խոսքով՝ դեռեւս անցյալ տարի կառավարությունը հայտարարեց, որ բացահայտվել են հողերի ապօրինի գրանցման դեպքեր, իսկ ավելի ուշ՝ ընդունվեց համաձայնեցին մասին օրենքը: Թեոնա Ջաքարաշվիլին խոսքով՝ կառավարության նախաձեռնած համաձայնեցին մասին օրենքը եւս մեկ անգամ վկայում է այն մասին, որ հողերի գրանցման գործընթացում առկա են թերացումներ, թեպետ, տրամաբանորեն, համաձայնեցին պետք է հաջորդեին ժամանակակից բարեփոխումներ, ինչը պետք է կարգավորեր առկա հիմնախնդիրները, սակայն դա այդպես էլ չիրականացվեց:

- Եթե այդ գործի համար պահանջվում է համաձայնեցին, դա ապացույց է, որ այդ ուղղությամբ առկա են հիմնախնդիրներ, այսինքն՝ գրանցման համակարգը կարգավորված չէ: Տարրական տրամաբանությամբ պետք է քայլեր ձեռնարկել առկա թերացումների կարգավորման համար: Համաձայնեցին մասին օրենքը, բնականաբար, ողջունելի է, սակայն, ներկա դրությամբ, գրեթե ոչինչ չի արվում համաձայնեցին անհրաժեշտությամբ պայմանավորված հիմնախնդիրների կարգավորման համար, հայտարարեց իրավաբանը:

Հողերի համակարգային գրանցման գործընթացում կան որոշակի սպասարկումներ, որոնք քաղաքացիներին

րին կմատուցվեն անվճար, սակայն, դրանց համար, բոլոր դեպքերում, գումարները ծախսվում են հենց նույն քաղաքացիների կողմից համալրված բյուջեից: Երբ պետությունը համաձայնեցին է հռչակում ապօրինի գրանցված հողերի հարցով, եւ գրանցման գործընթացը նորից վերսկսվում է, ապա ակնհայտ է, որ բյուջետային գումարները սխալ են ծախսվում:

- Այն, որ գրանցման համար քաղաքացին չի վճարում, չի նշանակում, որ բյուջեից այդ գումարները չեն ծախսվում: Բյուջետային գումարները ծախսվում են կոնկրետ հարցերի կարգավորման համար, որոնց թվում է նաեւ՝ քաղաքացիների համար անվճար իրականացվող գրանցումը եւ, եթե այդ գրանցման գործընթացը իրականացվում է թերացումով, ապա ստացվում է, որ բյուջետային գումարները սխալ են ծախսվում, - նշեց Թեոնա Ջաքարաշվիլին՝ հավելելով, որ հողի գրանցման հիմնախնդրի կարգավորման համար անհրաժեշտ է, որ պետության ներկայացուցիչներն անմիջականորեն լինեն գյուղատնտեսական նշանակության յուրաքանչյուր հողամասում եւ տեղում նույնպիսի միջոցով իրականացնեն գրանցումը: Բացի այդ, գրանցման գործընթացում առկա թերացումների վերացման համար՝ անհրաժեշտ է ընդլայնել քաղաքացիների տեղեկատվական քարտզարշավը, հակառակ դեպքում՝ կստանանք եւս մեկ թերացումների ալիք:

- Հողերի գրանցման գործընթացն արդեն 30 տարի է, ինչ շարունակվում է: Թեպետ, մինչ օրս հայտնի չէ, թե ինչ տարածաքներ են գրանցվել, քանի որ հանրային ռե-



եստրը ու համապատասխան գերատեսչություններն այդ տեղեկատվությունը չեն իրապարկում: Հանրությանը հայտնի դարձավ միայն այն փաստը, որ գյուղատնտեսական նշանակության հողերի շուրջ 70 տոկոսը դեռեւս գրանցված չէ, - նշեց իրավաբանը եւ հավելեց, որ, ռեեստրի կողմից գյուղատնտեսական նշանակության հողերի գրանցման գործընթացի կապակցությամբ, տարածած տվյալներն էլ որոշակիորեն չեն համապատասխանում իրականությանը:

- Մասնավորապես, գյուղատնտեսական հողերի գրանցման ռեեստրի տվյալներում ներառված է նաեւ Թբիլիսիում բնակարանի գրանցումից ստացված գումարը, ինչը ոչ մի կերպ չի կարելի համարել գյուղատնտեսական նշանակության հողատարածք, - ասաց Թեոնա Ջաքարաշվիլին:

Բացի գրանցման գործընթացում առկա թերացումներից, նշանակալի է նաեւ այն, որ գրանցման պաշտոնական գործընթացը ձգձգվում է, ինչը նոր մարտահրավեր է: Գյուղատնտեսական նշանակության հողերի գրանցման համար հանրային ռեեստրի քաղաքացու կողմից դիմումը ներկայացնելուց հետո, երկար ժամանակ ստիպված են սպասել եւ շատ հաճախ այդ ժամանակահատվածը գերազանցում է գործընթացին ընթացք տալու համար սահմանված բանական ժամանակին: Եվ եթե հաշվի առնենք այն հանգամանքը, որ, երբեմն հողերի գրանցման համար, քաղաքացին ստիպված կլինի դիմել դատարան, ապա այդ դեպքում՝ հողերի գրանցման գործընթացը կձգձգվի 3-ից մինչեւ 5 տարի:

ՅՈՒՐԻ ԽՈՐԵՆՅԱՆ